



On eo mi Aureole consilio nostra hæc in oratoris optimi & cōsumatissimi orōnes: quas ille Philippicas appellauit: ut emitterentur: & in lucē prodirent: scripsimus commentaria. Quippe q̄ publica lectione in charissima patria bonis discipulis & optime de nobis meritis hunc laborem impenderamus: minime ab initio rati fore: ut pene singula illi exciperent uerba: & quantum nos dicendo: tantum scribendo conseruarentur. Ad quam tñ rem suscipiendam nos concitauit: Angelus Cantagalina familiaris & conciuis noster: uere ad unguem factus homo: nec minus eloquētia: & humanioribus literis: q̄ ciuilibus & pōtificiis turis quæ summa cum laude proficere studitis insignis. Nā cū per autūnales ferias in quibus ab itis q̄ publice tradunt bonas artes fieri proficere solet intermissio: in optimi & præstantissimi Antistitis Fabritii Oddi Perusini apostolici protonotarii utriusq̄ nostrum amantissimi: forte suburbanum animi gratia nos recepissimus: tres aut summū quatuor dies illic futuri: nec librorū quicq̄ nobiscū attulissimus: teneri illico ut bis desiderio & nostrā uicissim arguere ignauitiam: cœpimus. Qui iocundum nobis quicq̄ uel paulū intermissis suis uicissim studiis: fore usq̄ arbitraremur. Verā nimirū expti sapientis Senecæ sententiā: otium sine litteris mortē esse & uitæ hominis sepulturā. Itaq̄ redire illo ipso die in ciuitatē: quo profecti inde fueramus inclinabat animus: nisi in Ciceronis philippicas incidissemus: Quas is quē dixi Fabritius minime ab humanitate alienus doctoz certe omnium studiosissimus superioribus secū mensibus illuc attulerat. Auide profecto legimus: uim simul & facundia eminentissimi oratoris: & beatissimi ingenii idē admirati. Cūq̄ aut occultior historia: aut dictio offerretur obscurior: aut deprauata & inuersa interdū occurrerēt uerba: ex quibus elici sensus aliquis haud facile poterat: Agere mecum Angelus cœpit pluribus: ut philippicas professione proxima interpretaret: & eloquentiæ studiosos: sed in primis fratris eius filios: & Vbaldinū meum: q̄ ad bonas artes instituerent: pro uirili mea iuuarem. Quod me facturū: si modo meis id placeret auditoribus: q̄bus obsequendū esset: recepi. Cūq̄ illi postea siue sponte sua: siue ab ipso: quod magis arbitror Angelo cohortati philippicas quadam quasi conspiratione postulauissent: onus susceptū libens: susceptum absolui: satis me consecutū ratus: si nostra hæc industria: quantulacūq̄ fuerat: eoz elisagtrauerant & q̄b⁹ debebatur: id enim unū optaueram: satisfactū esset uoluntati: Sed tu Aureole optime q̄ esse aliquid putare soles meas nugas: Latere has Maturantii tui nō pateris diuinitus enarrationes. Verū tanq̄ prodesse possint q̄ plurimis: & ad publicam latinæ linguæ aliqua ex parte conducant dignitatem tradere impressoribus festinas: age sane: geratur tibi mos. Sed da operam quæso: ut opus in lucem prodeat q̄ emendatissimum: Quod si modo animū intenderis pro tua eruditione atq̄ solertia minime futurū ambigo: Mihi quidem per assiduas occupationes meas corrigendis impræssoz erroribus: q̄ plurimi solent esse: uacare non licet. Utināq̄ si qd in tali occurrerit ædificatione: quod lectore offendat: tibi soli imputetur. Vnum latere uelim ne minem multa me consulto: quæ aliquam fortasse postulabant explicationem: prætermisisse: nec cōsecrari minima quæq̄ uoluisse. Sed illud affirmare profecto ausim: deprauatos locos ac mutilos cōplures emendasse: obscuriores uero sic patefecisse: ut uel curiosus lector desiderare in his nihil possit: quod si laborem hunc nostrum haud contēnt omnino intellexerimus: Plura a nobis in diuersos auctores partim absoluta iam: partim inchoata daturus impressoribus pollicemur cōmentaria. Vale.